

## Oregon Conservation Programs

# Tej Kev Pabcuam Tsimkho Liajteb Thiab Kev Yug Tsiajtxhu nyob rau Oregon.




**United States  
Department of  
Agriculture**  
**Natural Resources  
Conservation Service**  
[www.or.nrcs.usda.gov](http://www.or.nrcs.usda.gov)

## WHO IS THE NRCS? NRCS YOG LEEJTWG?

USDA Natural Resources Conservation Service (NRCS) yog tseemfwv Asmeslivkas ib lubchaw ua-kam (agency) muab kev pabcuam rau tsoom tswvliaj tswvteb kom lawv tsimkho losyog tswj tau tej khoom txhiamlaj txhiam xws ntujtsim tebraug (natural resources) thiab tej dejcag nruabtiv (watersheds) kom huysi txhob muaj teebmeem. Lubchaw ua-kam (agency) no muab kev pabcuam kom haum rau ib tsoom tswvliaj tswv-av kom raws lawv siab nyiam thiab qhov lawv txaus siab yuavnpaj thiab pabcuam kom raug raws txoj kev cog qoobloo thiab tu tsiajtxhu uas vammeej (Science-based), muab kev sib koomtes thiab tuav xam nrog lwmleej lwmtus daws tej teebmeem nyob rau hauv cheebtsam tej zejzog.

Nyob rau Oregon no nws muaj thajtsam li ob feem peb (2/3) ntawm cov av uas muaj tswv lawm yog siv cog qoobloo, cog zaubnyuj, thiab siv ua tshavzaub tso-tsiaj. Yog li cov tub ua haujlwm paub tab nyob rau NRCS (NRCS Soil Conservationists) thiaj li siv lawv lub sijhawm ntau los mus pab tuav tswvyim pabcuam cov tswvliaj tswv-av thiab tsoomneeg yug tsiajtxhu hais los no. Tsis tas li, lub koomtxoos no tseem muaj kev koomtes ntau heev nrog rau cov koomtxoos Soil and Water Conservation Districts (SWCD) thiab tsoom thawjcoj nyob rau ib cheebtsam tej zejzog txog txoj kev pabcuam no tibyam.



NRCS coj txoj kev pabcuam xwsli tswvyim/dagzog thiab nyiajtxiag mus pab tsimkho thiab tswj tej dejcag nruabtiv (watersheds) thiab lwmleej khoom txhiamlaj txhiamxws ntujtsim tebraug (natural resources) kom zoo.

## WHAT IS A WATERSHED? DEJCAG NRUABTIV YOG DABTSI?

Nyob rau nruabtiv hauv tej av losyog tej zejzog peb nyob no nws xeebtawm muaj dej nyob rau hauv uas yuav ntws tawm ntawm qhovchaw siab mus rau qhovchaw qis, xwsli yuav ntws tawm los rau tej kwjdepuab, tej dejntws, tej pasdej, losyog hiavtxwv. Uantej cov dej no yuav ntws mus txog rau qhovchaw qis nws yuav ntws los hla hauv nruabtiv (underground) tej liajteb, havzoov havtsuag, tej nyom thiab kevtsheb hauv tej zejzog—losyog nws yuav ntxaum thiab khaws tseg nyob rau hauv tej-av ces peb hu tau tias dej nruabtiv (underground water). Peb txhualeej txhuatus puavleej nyob rau tejchaw hais los no thiab peb yuav paub zoo txog tus txajntsims thiab teebmeem ntawm tej dejcag nruabtiv (watershed). Nyob rau tejyam teebmeem ntawd nws muaj xwsli kev tivthaiv dejnyab thiab ntujtsa tebnqhuab, kev tswj avpob thiab avkuav, kev ua kom tejdej huysi, kev paubtxuag tejdej, tsim chawtxoos rau tsiaj nruabnrag, tsimkho tej hav-iav, tej chaw tsham ua-si thiab kev tsimkho tej ntugzej ntugzos.

# TEJ KEV PABCUAM TSIM-KHO

## **Environmental Quality Incentives Program:**

### **Kev Pabcuam Tsimkho Dejnag Huabcua nrojtsuag**

EQIP yog kev pabcuam rau kev cog qoobloo-yug tsajtxhu thiab tej kev uas pab kom tej yxoobntoo dejnag huabcua thiab tsajtxhu huysi zoo raws li lub homphiaj npajtseg. Yog siv t xoij kev pabcuam no, Tsoom tubqoob tubloo thiab tub yug-tsajtxhu sawvdaws yuav tau txais kev pabcuam feem nyajtxiag thiab tswvyim dagzog los ntawm tseemfwv mus pab tsimkho lawv tejliaj tejteb thiab chaw yug tsajtxhu kom lojhlob thiab vammeej.

## **Wetlands Reserve Program:**

### **Kev Pabcuam Tsimkho Tej Hav-lav**

WRP yog kev pabcuam tsimkho tej zeegtiay hav-iav, tej tojroob, thiab ibncig raws tej ntugdej kom tej noog ya muslos muaj lub chawnyob chawtxoos. Lub homphiaj yog pab yuav tej liajteb ntawm cov tswvlaj tswvteb uas lawv txaus siab xavmuag lawv tej liajteb rau tseemfwv, pab tsimkho kom tej zeegtiay hav-iav ibncig tej liajteb rov muaj tuaj uas yuav ua rau tej-av muajfeem khaws tau dej ntau rau nruabtiv thiab tsis tas li muaj lub chawnyob chawtxoos rau tej tsiaj nruabnrag.

## **Wildlife Habitat Incentives Program:**

### **Kev Pabcuam Tsimkho Havzoov Havtsuag Rau Tsiaj Nruabnrag**

WHIP yog kev pabcuam tsimkho tej-av (havzoov havtsuag) uas muaj tswv lawm kom tej nrojtsuag lojhlob zoo muaj chawnyob chawtxoos rau tej tsiaj nruabnrag. Nyob rau ntaw yam kev pabcuam ntawm NRCS yog tsuas pab rau tejliaj tejteb xwb, tabsi WHIP yog yuav pab rau ibtsoom tswvlaj tswv-av losyog tseemfwv hauv tej zejzog kom muaj feem tsimkho tej havzoov havtsuag, tej hav-iav, nrojtsuag raws ntugdej losyog kwjdeg thiab pasdej pasnts kom muaj chawnyob chawtxoos rau tej txiaj nruabnrag thiab txiaj nruabdeg.

## **Farmland Protection Program:**

### **Kev Pabcuam Ceev Tej-Av Ualiaj Uateb**

FPP yog ibqho kev pabcuam rau tsoom tubqoob tubloo kom pab tswj losyog ceev lawv daim av uas zoo ua-noj ua-haus tseg rau kev ualiaj uateb. Txoj kev pabcuam no yog pab nyajtxiag rau tseemfwv hauv xeev (state), neeg khab (tribes), hauv zejzog (local) thiab tej koomhaum kom lawv ceev lawv tej av tsis txhob muab hloov mus ua lwm yam uas tsisyog kev ualiaj uateb thiab yug tsajtxhu.

Lub Koomtxoos Kev Ualiaj Uateb Thiab Yug Tsajtxhu (United States Department of Agriculture, USDA) txwv tsis pub muaj kev cais pabpawg neeg thiab cevnqaij daimtawv, pojniam losyog txivneeg, kevntseeg, hnubnyoog, kev xiam-oobkhab, kamteb kevchaw, kevplees kevyi, los mus rau kev pojniam muaj txiv losyog tsis muaj. (Nyob rau tej kevtxwv no yuav tsisyog siv tau rau txhua yam kev pabcuam.) Tsoomeeq xiam-oobkhab xav tau kevpab rawsli kev cev cauluig muslos rau tseemfwv xws li pab rau coyneeg digmuag, luam cov niamtawv kom loj, cov kashev muaj suab haus losyog lwmym yuav tsum tau hu xovtooj mus rau USDA lub chaw pab Target Center raws li tis xovtooj (202) 720-2600 (voice and TDD). Yog muaj kev tsis txaus siab (complaints), sau ntawv mus rau USDA, Director, Office of Civil Rights, Room 326 W, Whitten Building, 14th and Independence Avenue, SW, Washington, DC 20250-9410 losyog hu rau (800) 795-3272 (voice), (202) 720-6382 (TDD). USDA yog ib lub koomtxoos ntiaj thiab pab neeg ua haujlwm yam ncaj-ncees thiab muab vajhuam sibluag rau txhualeej txhuatus raws lawv qhov peevxwm.

## **Resource Conservation and Development Program:**

### **Kev Pabcuam Tsimkho Dejcag-Nrojtsuag & Huabcua**

RC&D yog kev pabcuam rau tej zej-zog kom tsoom pejxeem sawvdaws paub tswj thiab txuag tej khoom txhiamlaj txhiamxws uas ntuj tsim tebraug ibcig ntawm tej zej-zog uas nws yuav muajfeem ua rau tej kev noj kev haus lojhlob thiab zoo. Nws yuav ua rau ibtsoom pejxeem zej-zog muajfeem sib koomtes pabnroos txhawb nqa tej kev pabcuam kom ua rau lawv lubzos zoonkauj thiab xis-nyob.

## **Emergency Watershed Protection Program:**

### **Kev Pabcuam Tsimkho Tej Dejcag Nruabtiv Thaum Muaj Kev Kubntxhov**

EWP yog ibqho kev pabcuam txog lub tswvyim dagzog thiab feem nyajtxiag los daws tus teebmeem tej dej thiab tej dejcag nruabtiv. Txoj kev pabcuam feem nyajtxiag yog pab lob thiab tshem tejkhaub tejtsuag losyog nrojtsuag lwmym tawm ntawm tej kwjdeg kom txhob txhaws tejdej ntws, cog nrojtsuag raws tej ntug kwjdeg, losyog kho thiab tivthaiv kom tej tsag kwjdeg txhob pob losyog ntais.

## **Conservation Technical Assistance:**

### **Kev Pabcuam Lub Tswvyim thiab Dagzog**

CTA pabcuam feem tswvyim dagzog rau ibtsoom pejxeem sawvdaws uas npajsiab xav muab kev koomtes tsimkho tej teebmeem uas yuav ua kev puastsuaj rau tej dejnag nrojtsuag thiab huabcua hauv lawv lub zejzog. Cov tubntxhais ua haujlwm nyob rau NRCS sibzog ua haujlwm nrog rau tsoomneeg siv liaj siv av thiab pabpawg neeg hauv zejzog nrhiav lub tswvyim zoo los daws tej teebmeem nyob rau hauv tej dejcag nruabtiv ibncig hauv lawv lub zejzog. CTA yog ibtxog kev pabcuam uas raug raws txoj kev kawm vammeej (science-based) kom pab tau tsoom peejxeem tsimkho lawv tej zejzog kom huv-si, zoonkauj, thiab xisnyob ntev mus lawm yav peggab.

Yog xavpaub ntaw tshajno hu rau lubchaw uakam USDA ib cheebtsam hauv koj lubzos uas koj yuav nrhiav tau tus xovtooj nyob rau hauv phauntawv Telephone Directory uas zwm muaj covnpe chaw ua-kam tseemfwv nyob rau hauv losyog mus saib tau rau peb qhov website:

<http://www.or.nrcs.usda.gov/>

*Hmong translation By Sam Vang, NRCS California*

The English language version of this fact sheet is available at:  
<http://www.or.nrcs.usda.gov/news/factsheets.html>